

Q. N. 127, 33.

Q. D. B. V.
Ab

(X 2000379)



OMNIBUS,
Quotquot
ARNSTADIA NOSTRA

sinu suo fovet.

LITERARUM
PATRONIS
ATQVE FAVORIBUS,

Ut

Musis nostris, post habitam de Historiâ Formu-
mulæ Concordiæ Schwartzburgicâ Oratiun-
culam, Valedicturum

WILHELMUM ERNE-
STUM TENTZELIUM,
Greussennatem,



Ad d. XXVII. Septembris.
H. L. Q. C.

Benevoli ac Frequentes
auscultent,

Observanter ac Officiose
petit

M. JOH. FRIDERICUS Breiber/
Lycæi Arnstad. Rector.

ARNSTADIÆ

Stanno Meureriano.



60, 21-22

1771
 1772
 1773
 1774
 1775
 1776
 1777
 1778
 1779
 1780
 1781
 1782
 1783
 1784
 1785
 1786
 1787
 1788
 1789
 1790
 1791
 1792
 1793
 1794
 1795
 1796
 1797
 1798
 1799
 1800





Σὺν Θείῳ.



Uod à DEO ter Optimo
 maximo hominum singuli arden-
 tibus precantur votis : *ut sibi in
 pace quietam liceat agere vitam ;*
 idii , qui in Republica vivunt ,
 nullo non tempore in memori-
 am sibi revocent. Præcipuè verò
 in Ecclesia Docentes agnoscant,
 quod *Basilus* , Virille in cognitio-
 ne rerum sacrarum omnium seculorum facile princeps,
 alicubi ob oculis nobis ponit , ostenditque : *Tam esse opus
 Concordiæ Docentibus , quàm sinistra sit dextra* Effa-
 to videlicet hoc optimus ille Theologus innuere volu-
 it , quàm salutaris res sit inter Doctores Ecclesiæ Concor-
 dia , & quàm horrenda sit Discordia. Nec potuit vir ille po-
 litioris doctrinæ deliciis expolitissimus utilitatem Con-
 cordiæ nobis evidentius ostendere , quam cum simile
 trahit à manibus. Ecquis enim ignorat, dextrâ absente,
 sinistram nihil in effectum perducere, & vicissim , si-
 nistrâ absente, dextram quoque non , ut antea, res su-
 as efficere posse ; ita si Doctores Ecclesiæ discordent,
 doctrina in cordibus hominum propagari non potest.
 Sanè , quicquid in omnibus vitæ partibus boni reli-
 quum

quum est, id, ubi à DEO discesserimus, soli Concordiæ acceptum referendum est. Hinc est Scholarum, hinc est doctrinæ in ipsis conservatio. Nisi enim in docenda juventute, nisi in eruenda disciplinarum veritate plurimum Docentium operæ quasi conspirent, nunquam vera salutarisque docendi juventutem ratio, nunquam artium bonarum veritas retinebitur. Ubi autem Docentium animi inter se conjuncti, idem in erudienda juventute sentiunt, idem spectant, idem volunt, ibi & juvenus benè feliciterque educabitur, & liberales disciplinae rectè tradentur. Alias Concordiæ aureæ utilitates jam afferre temporis & chartæ angustia non permittit. Hæc ex Concordia, præcipuè inter Docentes in Ecclesia si viguerit, profluentia emolumenta, atque ex eorundem Discordia promanantia nocumenta divino quodam afflatu excitatus prævidit. **AUGUSTUS**, **AUGUSTUS** ille Dux & Septemvir Saxonix, nunquam satis celebratus, qui cura ingenti, impensis maximis, studio & labore indefesso, aureo plane Concordiæ in Ecclesiis Evangelicis constituto tropæo, **FORMULA CONCORDIÆ**, tantò superius seculum affecit beneficio, ut majori quisquam potuerit nemo. Cùm enim inter Theologos Confessioni Augustanæ addictos gliscerent diffidia minimè vel pauca vel levia, ita ut ipsum Ecclesiæ Evangelicæ corpus in rimas quasi fatiscere videretur, atque ita variarum opinionum distinctione concvulsum dissipatumque fluctuaret, ut decor illi suus, & pacata tranquillitas non satis constaret, malo huic remedium adhibuit efficac atque eximium **AUGUSTUS**, **AUGUSTUS** ille Dux atque Elector Saxonix, seculi prioris celeberrimus Josua, pientissimus Hiskias, religiosissimus Josias, qui publicato Christianæ Concordiæ libro diffluentes Ecclesias coadunivit, atque id effecit.

ut

ut pristinâ pace ac tranquillitate Ecclesiæ repurgatæ
uti-frui possent.

Sicut autem nullo non tempore Illustrissimi CO-
MITES SCHWARZBURGICI Nostri maximè stre-
nuos cultûs divini se præbuerunt Fautores atque Defen-
sores, ceu id testantur non tantùm Episcopi & Archi-
episcopi ex hac familia oriundi, sed splendidissimi quoque
Canonicatus atque Cœnobia, quæ partim & ipsi propriis
fundarunt sumtibus, partim etiam summo studio facta
testa conservarunt; ita quoque præcipuè superiori secu-
lo post exortam in his terris Evangelii lucem zelus pius
& cura eos tenuit indefessa, ut religio pura & sincera
conservaretur. Hinc Illustrissimi Comites Schwarzbur-
gici, JOH. GÜNTHERUS, WILHELMVS & AL-
BERTVS antesignani ferè Comitum fuerunt, qui For-
mulæ Concordiæ subscripserunt, Eandem librum Sym-
bolicum agnoscentes. Quin & Illustrissimi Comitis, GÜN-
THERI, mandato, ^{Zelo pietatis pleno.} omnes & singuli
trium præfecturarum, videl. Arnstadio-Kevernburgicæ,
Gehrenensis & Schwarzburgicæ, Ecclesiarum Pastores,
Ludorumque Moderatores, ut die undecimo Februarii,
quî dies erat Jovis post Dominicam Sexagesimæ anni
1580. in Curia Arnstadiensi comparerent, citati sunt. Post
habitam tamen in templo à Leonhardo Eberhardo, Di-
acono, ex Epistola Dominicali, concionem omnes
Dn. M. CHRISTOPHORVM HELMVICVM,
Superintendentem, in Aula Arnstadiensis atrium (die
kleine Hoffstube) secuti sunt, ubi Dn. Cancellarius, M.
JOH. BORNERS, Pastoribus pro obsequio præstito,
quod comparuerint, egit gratias. Inde à Dn. Super-
int. habita oratio, & postulatum, ut Pastores delibe-
rarent, quid sibi faciendum putarent, si & ab ipsis

requireretur subscriptio. Lecta deinde subscriptio Illustriss. Comit. Schwarzburgicorum, cum Præfatione & Summa Formulæ Concordiæ à VALENTINO LENOGERO, Sch. Arnst. ConRect. & MATTHÆO ZIMMERMANNO, Baculario. Post deliberationem Pastores per M. BONAVENTURAM ALBRECHT, Pastorem Arnstad. ad D. Mariæ responderunt, se quidem nullos dubitare Formulæ Concordiæ subscribere; ne v. Calvinianis, pacis Ecclesiasticæ auctores sugillantibus, ulteriorem calumniandi dent anam, ac si re non ponderata ac minimè deliberatâ subscripsissent, inde se rogare humilimè, quò sibi hoc de negotio deliberandi, librumque integrum ponderandi tempus benevolè concederetur. Quæ responsio ab iis, qui super hoc negotio Illustrissimorum Comitum nomine cum Pastoribus egerunt, approbata fuit, & Pastores post sumtum prandium dimissi sunt. Postea Pastores præfecturarum, Schwarzburgicæ, & Gehrenensis. Königscæ in ædibus Parochialibus convenerunt, librumque Concordiæ expendunt; & quoniam contra analogiam fidei non deprehenderunt quicquam, responsionem unanimes adornarunt, literisque, quarum subscriptio hæc erat: Diener der Christlichen Kirchen in beyden Aemtern Schwarzburg und Gehren; consignatam sub dato die Mercurii post Dominicam Esto Mihi anni 1580. Dn. Superintendenti transmiserunt, quâ absque tergiversatione Libro Concordiæ se subscripturos polliciti sunt. Sed de his omnibus & aliis aget prolixius VALEDICTVRVS Noster.

Is est WILHELMUS ERNESTUS
TENTZELIUS, VIRI MAXIME REVE-
RENDI, Amplissimi atque Excellentissimi
DN.

DN. JACOBI TENTZELII, SS. Theol.
Doctōris famigeratissimi, Comitatus Schvvarz-
burgico-Arnstadiensis Superintendentis meri-
tissimi, & Consistorii Schvvarzburgici Asses-
oris Primarii &c. PATRONI NOSTRI SUM-
M I, Filius non degener. Hic sub sedula & vigili PA-
RENTUM cura, pietate, bonisque moribus & literarum
 studiis quā publicè, quā privatim diligenter excultus ab in-
 fantia fuit. Patiens laborum, nihil non promptissimè aggres-
 sus est, quō in majus provehī studia, suumque locupletari a-
 nimum vidit. Vice non simplici in Palæstra Oratoria, modò
 Germanicè, modò Latinè, jam Græcè, jam Ebraicè, atque
 nunc ligato, nunc soluto stylo perorando se stitit, semper in-
 dustræ laudem consecutus. Nec minus industrium in Palæ-
 stra Disputatoria privata, Cursuque Philosophico absolven-
 do sese exhibuit, jungens & his studiis notitiam aliarum lin-
 guarum Orientalium, & Theologiæ Positivæ fundamenta so-
 lida. ~~Cæterum honestatis ac virtutis auctoritas, PA-~~
RENTIBUS pium, Præceptoribus morigerum, omnibus
 modestum sese probavit usque. Unde, cum nunc discedere
 à nobis, & ad Academiam, tanquam ad uberiores sapien-
 tiæ doctrinæque mercaturam, abire jussus sit, non possumus
 non DEI gratiam, largissima studiorum incrementa unā cum
 omni prosperitate eidem sincero apprecari corde. Faxit
 supremum, quod cælum habitat, Numen, ut per **MAGNI**
PARENTIS, Maternique Avi, **WILHELM I**, & Proavi,
POLYCARPI, LYSERORUM, Beatorum, vestigia
 feliciter incedens, evadat aliquando non minus Clarissimæ
 Familiæ, quàm ipsius Patriæ ornamentum!

De cætero **V A E D I C T U R V S** Noster ultimum in
 hac Schola nostra eruditionis Scholasticæ specimen editurus.
 Oratione non inconcinna De **FORMULÆ CONCOR-**
DIAE

DIAE IN COMITATV SCHWARZBURGI-
CO RECEPTIONE ET PROPAGATIONE
futuro die Jovis, DEO clementer annuente, dicet, & postea
etiam carminibus TEVTONICIS, LATINIS,
GRÆCIS, EBRAICIS, CHALDAICIS AT-
QVE SYRIACIS omnibus de se benè meritis gratias
aget.

*Vos verò, quotquot ARNSTADIAM No-
stram illustratis, ERUDITOS OMNES
ET SINGULOS eà, quâ par est, obser-
vantia & humanitate rogo, velitis haud grava-
tim Vestram Dicturo accommodare operam:
gratissimum id erit MAXIME REVE-
RENDO DN. PARENTI, & nos
redhostimenti loco observantiam, studium, amo-
rem Cuius pollicemur. P. P. Arnstediae Do-
minicâ à Festo Trinitatis XV. A. R. S.
cl. lcc. LXXVII.*



Q. N. 127, 33.

Q. D

OMN
ARNSTADT

sinu

LITER

PATR
ATQVE F

Musis nostris, post h
mula Concordia S
culam,

WILHELM
STUM T

Greul

Ad d. XX

H.



Benevoli

Observat

M. JOH. FRI
Lycéi

AR

Stanno



KODAK Color Control Patches

© The Tiffen Company, 2000

Kodak
LICENSED PRODUCT

3/Color

Black

